

Ji` e cajme' TIÁA~

1 Jnea~ sii~ Tiáa~, jaang` dsea`
i jmoó` lajji~ e iing~ Fidiée`
cóo~gui Fíi'naa' Dsea` Jmáang~, jo
jmo'ó e ji` la e catiing~ laji` guitu`
'lé' dsea` Israel i líing` dsea` quiá~
Dsea` Jmáang~ i sisoo` sijóng` fí'
la'úng~ fí' jmigüí. Guicóo~'baa'
lajaang` lajaang`na'.

**Fidiée`bing' i jmicóo~`
dsea` e ñir` e` nijmér~**

²Dsea` rú'naa' dsea` quiá~ Dsea`
Jmáang~, güilí'iaang` óo'na' mi~
íing~'na' lí^ doñi' eè e huíng',
³dsuco' niñíb^ 'nú' guiá~ e
mi~ móo'na' jalé' e huíng` do,
joba' eáang`gui sea` bí` quií'na' e
té'na' fí' guiá~ lí` niteáang`na'
cóo~ Dsea` Jmáang~. ⁴Jo` co'
jmi'úum`ba' e dseáng~ té'ba' e
nisíng~'na' teá'gui e fí' guiá~ do
cóo~ jalé' e dsingíng~na' do, joba'
niliguiúng~na' laco' síí^ fí' quini`
Fidiée`.

⁵Jo` song` jaang` dsea` lajee` la'ó'
'nú' ja` ñir` e` nijmér` quiá~ lí^
doñi' eè, joba' 'né` e nimí'r~ Fidiée`
e nijmicóo~` quiá~r~ e ni'f` dsíir`
e` jalé' e nijmér~ quiá~ jalé' e
camír` do; co' í'bing' cuo' jaléng`
dsea` lalíng` jogui e íaang` dsíir`
mi~ mi' dsea` ír` e jmicóoíin~ do

quiá~r~, jogui ja` e 'gaaín` jii~
coo` quiá~ jalé' e jo cajo. ⁶Dsu'
mi~ nimí'r~ Fidiée` lajo, 'né` e
jáb~ nilíin` e nijmicóob~` dsea` do
quiá~r~, jogui ja` í` dsíir` jii~ coo` fa'
e dsea` do ja` nijmicóo~r` cóo~` e
jo; co' song` ií` dsea` ja` óor` júu` ta`
dsíi' e nijmicóo~` Fidiée` quiá~r~,
joba' i dsea` í` líiin` lafa' jmií` mi~
dsiguíng~ cóo~` gui' fí' la fí' na. ⁷Jo
i dsea` i líing` lajo ja` güi'í` dsíir` fa'
líing~ eè` nijmicóo~` Fidiée` quiá~r~,
co' ja` niñíin` jii~ coo` e jo quiá~
dsea` do. ⁸Co' i dsea` la'í, lana í'
dsíir` coo` jogui dsa'ó' e jiéb' ni'f`
dsíir~, jogui ja` iu~ dsíir` cóo~` jalé' e
jmoór` do cajo.

⁹Jo` fíi-guií` 'nú', dsea` rú'naa'
dsea` quiá~ Dsea` Jmáang~, e ií`
lajee` la'ó' 'nú' i ja` 'ga' lí' sea`
quiá~ fí' jmigüí' la, joba' 'né` e
nijmi'iaam` dsíi' i dsea` la'í, co'
Fidiée`bing' i niseáng~ i dsea` do
yú^ mi~ nitf` oor~ quiá~r~. ¹⁰Jogui
lajobi cajo ií` lajee` la'ó' 'nú' i sea`
cuu~, 'né` e nijmi'iaam` dsíi' dsea` do
fing` cajmée` Fidiée` e nijgiáaiin~ dsea`
do, co' i dsea` sea` cuu~ do líiin` lafa'
coo` lí' quiá~ lí^ doñi' eè` onuu~, co'
ja` huøø` té' e jí'. ¹¹Co' mi~ niliguií`
iee', dsifí' lajob` lífing` lí' quiá~ e
onuu` do, jo dsifí' ladob` nité' fí' ni~

uó̄, jogui íim̄ lajiī e ia' do. Jo lajob líí cóo' i dseà sea cuu, co' mī nitf̄ oor̄ quiá'r e nidséin̄ fí jmigüí cóo, catú bre lajalé' e sea quiá'r fí jmigüí la.

Mī dsingüinḡ dseà jalé' e huíng'

¹²Juguiú jiu quiá' jaléng' dseà i jmóo té' cóo' jalé' huíng' e dsingüiñ uí' e ja jmóor jalé' e ja dseeng, dsuco' mī ningf̄ e cajméer e jo, joguiba' ni'ín' lajiī e guiá' e catüiñ e niliseeñ cøong' cóo' Fidié' lata, co' lajob júu cacuó' Fidié' lamí jéeng'gui quiá' jaléng' dseà i jmi'neáang' ír.

¹³Jogui mī iinḡ jaang' dseà e nijmér e ja dseeng, jo ja güi'f̄ dsíir e Fidié'bing' i jmóo e iñ e nijmér lajo, co' Fidié' ja catüiñ jiī capí' fa' e nijmér e ja dseeng, o'gui jmóor fa' e lajob nijmé dseà jiéng' cajo. ¹⁴Dsu' ja líí lajo, co' lí' lí' yaam dseà í dsíir ga, jogui yaam bre cajo iñ e nijmér jalé' e ja dseeng, co' job liquiéé quiá'r e niligøiñ e nijmér jalé' e ja dseeng do. ¹⁵Jo cóo' jalé' e ga e í dsíir do, e joba' jmóo e jmiróng dsee yaaiñ. Jogui mī ni'míing' eáang' e dsee do, joba' i dseà í ni'nám bre cóo' Fidié' lata jóng.

¹⁶Joba' fíi' guí 'nú', dseà rú'naa' i 'neáan' eáang', ja jmiøong' yaang'na' cóo' jalé' e jo. ¹⁷Jo Fidié'bing' i cuó' jneaa'aa' jalé' e guiá' jogui jalé' e niguo', jo íb' cajo i cajmeáang' jaléng' i mijineá' j' i seeng' fí yá' jmigüí e laco' sea' jmī jogui sea' uó̄. Jogui 'ña' Fidié' ja tó' jmī fa' e nilisiñ laco'gui lisíng' jalé' j' i seeng' fí yá' jmigüí, co' ja quí' jmī e nilí

lajo, co' dseáng' røøb' líng' dseà do lata. ¹⁸Jo co' Fidié' 'ña' bre cali'iñ, joba' cacuó' e nilisee'naa' cøong' cóo'r la'eáang' cóo' e já' lí'naa' júu quiá' Dseà Jmáang'. Jo cajméer lajo e laco' jaléng' jneaa'aa', dseà lí'naa' dseà quiá'r, nisíng'naa' fí quini'gui jee' jaléng' dseà i nijmé Fidié' i nilíng' dseà quiá'r.

Jial líí mī dseáng' e já' e licuíng' dseà Dseà Jmáang'

¹⁹Jo téé' óo'na' jalé' e júu la, dseà rú'naa' i 'neáan' eáang', e lajiī 'nú' 'né' guiéeng' guiá' yaang'na' e ninú'na' røøb'; dsu' ja 'né' fo'na' ladsifí e ja mí' ca'íi' óo'na' røø, o'gui cuó' fí yaang'na' e jmée'na' guíng'na' quiá' doñí e e' e jmóo dseà cóo' 'nú'. ²⁰Dsuo' mī jmigüing' dseà rúñ, joba' ja éer røø laco' catíng' e jmóo dseà quiá' Dseà Jmáang', co' ja jmóor laco' iáang' dsíi' Fidié' e nilí. ²¹Joba' fíi' 'nú' e 'né' tú'ba' jalé' e ja dseeng' e jmóo'na' fí jmigüí la, jogui ca' 'naang'na' cajo jalé' e 'lí' e sea' fí jmigüí la, jo íng'na' e ngocáng' óo'na' lajiī júu quiá' Dseà Jmáang' e nicaná'na', dsuco' e júu' joba' e quií' jmī e nileáang'na' jee' jalé' dsee quií'na'.

²²Jo dsu' ja e ta' íng' quií'na' lico' nuu'na' e júu' jo song ja'gui jmití'na'. Dsuo' song ja' jmití'na' e jo, joba' lí' jmiøong' yaam'ba' jóng e líng'na' dseà quiá' Dseà Jmáang'. ²³Jo jaléng' i dseà i lico' núu' e júu' jo dsu' ja'gui jmitir' laco' catíng', joba' i dseà í líiñ lafa' jaang' dseà mī jøong' 'ña'r dsíi' síi' jo jnéem' jial laco' ír; ²⁴jo dsu'

dsifí' mĩ cangf̄ e cangáng' 'ñia'r
dsíí' e síf' do, ca'ím̄ dsíir' jialco'
líiñ' ladsifí' lado jóng. ²⁵Jo dsu'
i dseà i ja' ínḡ dsíí' jalé' e júu'
quíá' Dseà Jmáanḡ e núur' do,
jogui núu' bir e ngocáng' dsíir' e
jo, joba' dseà í'bing' i contøøm̄
tòø dsíí' e nileáñ̄ jee' jalé' dsee'
quíá'r la'eáang' cóo' júu' quíá'
Dseà Jmáanḡ, jogui íb' cajo i
niliseeng' juguí' cóo' Fidiée'.

²⁶Jogui song jaang' dseà í' dsíir'
e líiñ' dseà quíá' Dseà Jmáanḡ
jo dsu' mĩ 'noo'bi fé'r' júu' e
ja' dseeng', joba' i dseà í'bing' i
jmigøøng' yaanḡ e líiñ' dseà quíá'
dseà do, jo dseáng' ja' eè ta' ínḡ
jíí' cóo' quíá'r cóo' lajji' e fé'r' do
e cuiñ̄ Dseà Jmáanḡ.

²⁷Jo lajji' dseà i ja' beáng' dsee'
yaanḡ cóo' jalé' e 'li' e sea' fí'
jmigúí' la, jogui jmicóo'r' jaléng'
jiuunḡ 'nñ' jogui jaléng' dseamf̄
i 'nñ' cóo' jalé' fí' dsíí' e sea'
quíáñ̄ do, jo lajji' dseà í'bing' i
dseáng' lajang' líng' dseà quíá'
Dseà Jmáanḡ, jogui ja' eè si'liiñ'
jíí' cóo' fí' quini' Fidiée' cajo.

'Né' ée' dseà røøb' cóo'
jaléng' dseà rúñ'

2 Jogui fíí' guíí' 'nú', dseà
rú'naa' dseà quíá' Dseà
Jmáanḡ, co' 'nú' líng'na' dseà
quíá' Dseà Jmáanḡ i dseà i
laniinḡ 'gøng' do, joba' 'né' e
ee'na' røøb' cóo' jaléng' dseà
jmigúí'. ²⁻³Cofa' lí' líí' lala: e
cóo' lí' siseáng'na' fíng'na'
colíinḡ, jo lajee' e siseáng'na' do
niguiée' jaang' dseà i sea' cuu' i
quí' 'mĩ' e jlo' jogui quier' ní'
iñ' niguoo' e 'mo' eáang', jo joba'

eáam' guíí' ní'fing'na're, jogui
jaang' 'nú' ní'fí'na're lala: "Ní' e
fí' lí' jlo'gui la." Dsu' lajee' job
cajo niguiée' jaang' dseà tíñinḡ e
fí' lí' siseáng'na' do i quí' 'mĩ' e
sito', jo jaang' 'nú' ní'fí'na're lala:
"Do güinoo'tea 'nu' lí' doguiju",
osi "Güiguieenḡ tea uø' lí' ní' uø'
lí' do." ⁴Jo song lajobi' fó'na', joba'
gab' líí' quíí'na', co' nijmoo'na' e
niguíim' ba're jóng uíí' e ní'í' óo'na'
e dseà sea' cuu'bing' i niinḡgui,
dsu' o' lajo.

⁵Jo núu'na' jalé' e ní'fí'guíí' 'nú'
la, dseà rú'naa' dseà quíá' Dseà
Jmáanḡ: 'Né' nicá' 'nú' cuente
e Fidiée'bing' nicaguíng' jaléng'
dseà tíñinḡ fí' quini' jaléng'
dseà jmigúí' e laco' ní'uúñ̄ do
dseà i lajang' teáanḡ teá' fí' guíí'
cóo' Dseà Jmáanḡ laco' si'í',
jogui lajoba' e ní'fing' i dseà í' e
Fidiée' quíé' ní'fí' quíá'r lí' laco'
jíí' e nicajíng' dseà do lamí'
jéeng'gui e nicuø'r' jaléng' dseà
i 'neáang' ír'. ⁶Jo dsu' 'nú' lí' lí'
jmi'uøng'na' jaléng' dseà tíñinḡ,
co' ja' jmi'goo'na're. Jo çja' cã'na'
cuente e jaléng' dseà sea' cuu'bing'
i jmáng' 'nú' ga', jogui í'bing' cajo
i dsijeáanḡ 'nú' laguidseaanḡ fí'
quini' dseata' ? ⁷Jo téé' óo'na' cajo
e i dseà sea' cuu'bing' i fé' júu' 'li'
quíá' Dseà Jmáanḡ cóo' jaléng'
dseà quíá'r.

⁸Jo e guíí'ba' jmoø' 'nú' song
dseáng' e lajang' núu'na' lajji'
júu' e laniinḡ eáang' lí' laco'gui
la fé' fí' ní' jì' quíá' Fidiée' lí' fé'
lala: "Jmi'neáang' jaléng' dseà rún'
lí' laco'gui jmi'neáan' uø'." ⁹Dsu'
fíng song ja' røø' jmoø'na' cóo'
lajaang' lajaang' dseà rúng'na',

joba' nilíí' e nibeáng' na' dsee-
yaam~ba' jóng, jogui ni'oo~ba' dsee-,
co' ja cajmití na' júu quiá' ta~
quiá' Fidiée'. ¹⁰ Jo fa' núu' jaang`
dsea jalé' e júu quiá' Fidiée' do
dsu' ja jmitir~ fa' coob` e júu` do,
joba' dseáng' óo`bre dsee- jóng,
co' ja jmitir~ dseáng' lajalé' e júu`
quiá' dsea do. ¹¹ Co' 'ñiab' Fidiée`
dsea cajín' lala cajo: "Ja 'lee~ e
gúin' cóo' dseañu' osi dseamf i
o' quií'." Jogui cajím' biguir cajo:
"Ja jngan` dsea rún'." Joba' jia`
fing ja mí cajmée` dsea e güüiñ`
cóo' dsea i o' quiá'r, jo dsu' song
nicajngam' bre dsea rúin', joba'
nicabeám' dsee- 'ñia'r jóng, co'
ja mí calinúu'r dseáng' lajalé'
júu quiá' Fidiée'. ¹² Jo lí' doñí'
eé e nifo' na' osi lí' doñí' eé e
nijmée' na', 'né' ni'ee' na' røø laco'
catíng- e jmóo` dsea quiá' Dsea`
Jmáang-, co' Fidiée`bing' i niquidsí'
í' quií' na' cóo' e júu` e nileáng' naa'
jee~ jalé' dsee- quí'ii' do. ¹³ Jo
jaléng' dsea i ja mí fíi` calíng-
jaléng' dsea rúng', joba' lajob
nijmé- Fidiée` cóo' ír` cajo mí tí'
lí` nitf' í' quiá'r; jo dsu' jaléng' gui
dsea i nicalf' fíi` líng- jaléng' dsea`
rúng', guiáb- nidsijée' quiá'r- mí`
nitf' oor~ e niquidsí' Fidiée' í' quiá'
jaléng' dsea jmigüí`.

'Né' e jmitib~ dsea` o' lico' fé'r

¹⁴ Jo lajoba' fíi` guíi' 'nú', dsea`
rú' naa' dsea` quiá' Dsea` Jmáang-,
dseáng' ja eé ta` íng` quií' na' e
fó' na' e ja' líng' na' júu` quiá'
Dsea` Jmáang- song ja`gui jmití' na'
lajíi' júu` quiá' dsea` do. Co' i dsea`
i fé' e ja' líiñ` júu` quiá' Dsea`
Jmáang- jo dsu' ja` núu'r e fa'

jmitir~ e júu` jo, joba' dseáng' ja`
nileám`bre jee~ jalé' dsee- quiá'r-
¹⁵⁻¹⁶ Fa' majmée' duu' cuente e
jaang` dseamf osi jaang` dseañu`
i líng` dsea` quiá' Dsea` Jmáang-
i ja` sea` jalé' e 'né', fa' la sír`
osi jalé' e dó'r- e lalíng` lacoó`
jmií` lacoó` jmií~, jogui jaang`
lajee' 'nú' niff' na're lala: "Guóng'
cóo' e guiú` guiá' fí, jo ja` güilí`
güiquín', jogui quié' la tíí' e
já' o'." Jo dsu' fing song i dsea` i
cajínng- do ja` eé cuø'r jíi' cóo` i
dsea` í' lajii' e 'né' quiá'r- e táain`
fí` jmigüí' la, joba' dseáng' ja` eé ta`
íng` e jo jíi' cóo` quiá'r- fing song
lajobi jmóor'. ¹⁷ Jo lajob líi' mí` jíng'
dsea` e ja' líiñ` júu` quiá' Dsea`
Jmáang-, dsu' fing song ja`gui núu`
dsea` dseáng' lajalé' e júu` quiá'
dsea` do, joba' ja` eé ta` íng` quiá'r-
e jíiñ' e ja' líiñ` e júu` jo. Co' song
ja` éer laco' sí' cóo' e júu` e ja`
líiñ` do, joba' ja` eé ta` íng` quiá'r-
jíi' cóo`.

¹⁸ Jo jialfa' i líng` dsea` nífé'r:
"Nu' fó' e ja' líiñ' júu` quiá'
Dsea` Jmáang-, jogui jnea` fá' a e
núu' baa e júu` jo." Joba' fíi' 'nú',
éel' du' jnea` e ja' líiñ' júu` quiá'
Dsea` Jmáang- nañi' fa' e ja` núu`
e júu` jo, jogui jnea` gui ni'ée' duu`
'nu' e dseáng' e jáb' líiñ' júu`
quiá' Dsea` Jmáang-, co' dseáng'
núu' baa e júu` jo.

¹⁹ Jogui 'nu' nijá' nilíin' e seem`
Fidiée', jo guiáb- jmóo` song lajob í'
o', co' e ja' e júu` jo. Dsu' 'né' e tóó`
o' cajo e la quié' tí' jaléng' i 'lim'
já' líiñ` e jo, joba' dsíng' jléeiñ`
dsu' uíi' e 'góñ' Fidiée'. ²⁰ Jo jie`
mí` jmicaan' melé, co' ja` eé ta`
íng` jíi' cóo` quií' e ja' líiñ' júu`

quíá' Dseà Jmáang song ja'gui núu' e júu jo. ²¹Co' 'né e tóob' o' cajo e ca'ím' Fidiéé i 'lii' yúu' quí'ii' i sii' Abraham do e líiín' jaang dseà guíúm' fí' quini' r, co' cajmée'bre núu'r júu' quíá' Fidiéé mi' cacuøiín' i jóor' i sii' Isáa' do e si'í' nijngáin' do fí' quini' dseà do. ²²Joba' niñ'í'bi e i 'lii' yúu' Abraham do cajmilir e ja' líiín' júu' quíá' Fidiéé uíi' cóo' jalé' e cajmée' do. Jo la'eáang cóo' e jo, joba' cuø' lí' e ca'lié' e dseáng' e jáb' líiín' júu' quíá' dseà do laco' si'í'. ²³Jo lajoba' caliti' jalé' e fé' fí' ni' ji' quíá' Fidiéé lí' fé' lala: "I 'lii' yúu' Abraham do jáb' calíin' júu' quíá' Fidiéé, joba' Fidiéé ca'ín' dseà do e líiín' jaang dseà i ja' carøong dsee." Joba' calis' i 'lii' yúu' Abraham do jaang dseà i eáang iing rúng' cóo' Fidiéé.

²⁴Jo niñ'í'bi 'ná' guíu' cajo e ím' Fidiéé dseà e líiín' dseà i ja' røong dsee jaléng' i núu' jalé' júu' quíá'r, jo o' i dseà i jíi' lico' fé' e jáb' líiín' júu' quíá' dseà do.

²⁵Jo lajob calí' cajo cóo' jaang dseamf i sii' Rahab i caliséng' malii'gui eáang i cajmée' ta' 'níng' 'nia'. Co' ie jo Fidiéé ca'ím' breiín' do e líiín' jaang dseà i ja' røong dsee fí' quini' r uíi' e cajmée' e cacuø' lí' nijé' dseà Israel i casíng' dseà góo' Josué ná' gui e ningíng' jaléng' dseà Israel do fí' lí' se' Canaán. Jo i dseamf la cajmícóo' bre i dseà do e caguiéng' neiín' fí' lí' jié' e laco' caláin' do cóo' jaléng' dseà i 'ní' níi' quíá'r. ²⁶Jo lajob líi', fa' mi' cango' jmiguí' quíá' jaang dseà jo júum'bre, joba' jo eé ta' íng' jíi'

coo' e ngúu' táaiín' do jóng. Jo lajob líi' cajo, ja' eé ta' íng' mi' fé' dseà e jáb' líiín' júu' quíá' Fidiéé song ja'gui núu'r fa' e nijmitir e júu' quíá' dseà do.

'Né e quie' í'ba' jalé' e fé' dseà

3 Dseà rú'naa' dseà quíá' Dseà Jmáang, ja' í' óo'na' fa' e ja' huíng' e líng'na' tifa' i e' júu' quíá' Fidiéé, co' nine'ba' guíu' e eáang'gui ni'f' Fidiéé í' quí'ii' jaléng' jneaa'aa' dseà líi'naa' tifa' mi' ja' núu'naa' e júu' jo laco'gui i dseà caguaaang'gui i ja' e' e' júu' jo. ²Jo e jáb', e lajii'baa' dseà líi'naa' dseà jmiguí' eé'naa' dsee. Jo dsu' song seeng' jaang dseà i ja' røong jíi' coo' dsee cóo' jalé' e fé'r, jo i dseà í'bing' i guíúng' laco' si'í' fí' quini' Fidiéé, jogui íb' cajo i lí' jmé' e ja' nitéiín' fí' ni' dsee cóo' lí' doñi' eé e lí' dsii' ngúu' táaiín' do cajo.

³Fa' laco' mi' iing jaang dseà e nilinúu' cuea' quíá'r lajii' ta' quíu'r, joba' ta'r coo' ní' freno fí' mo'oo' i cuea' do e laco' nilinúu' re' lajii' ta' quíu' fii' re'. Jo cóo' jíi' e ní' dob e jmóo' dseà e núu' i cuea' do mi' eègo iing dseà e nijm'e re'. ⁴Jogui lajobi líi' cajo cóo' jalé' móo', e nañ' fa' jialgui la tíi' cóo', jogui 'lea' guí' e huíng' eáang' e móo' do e laco' ningí', dsu' cóo' coo' ní' jiuba' e sii' timón e e' fí' jié' fí' lí' iing i dseà i quie' do e nidsé' e móo' do.

⁵Jo lajob líi' cóo' nisii'naa' cajo, co' coo' e pí'gui líi' jee' lajalé' guoti'naa', dsu' cóo' e jo dseáng' jmiguí'ba' e cuøong' fé' dseà e guíu' jogui e ja' dseeng'. Jogui lajobi cajo

cóo' capí' 'ma' jî cuòom` e nijmé` e nicó` mó' e fe' éaang', éjá` já'? ⁶ Jo e nisí' naa' do lí' lafa' jib'; jogui cajo lí' lafa' cōo` e 'li' e 'léé` mī` fé' dseà` e ja` dseeng`. Jo mī` litíing` e fé' dseà` lajo, gab` uíing` quiá'r` jóng lajeé` e seeiñ` fí` jmiǵüi` la, jo jalé' e 'li' e fé'r` do jáa` fí` lí` 'li'.

⁷ Jogui seem` i` líing` dseà` i` tíing` e' jaléng' jó' e laco' nilinúu' re', fa' jaléng' jó' i` ngí` jee` mó' jogui jaléng' tá` jogui jaléng' jó' i` dsijñúung` uó` cóo' jaléng' jó' teáang'` jmií'. ⁸ Dsu' jii` jaang` dseà` jmiǵüi` quiá'r` jmií` e ni'é'r` nisí'r` e laco' nilinúu', co' e nisí'r` do lí' lafa' nó` mi', co' contòom` í' jleng' e 'léé` cóo' jalé' e fé' dseà`.

⁹ Jo cóo' nisí' baa' jmi féng' naa' Tiquí` ii' Fidiéé` dseà` guíing` ñíff, jogui cóo' e job cajo 'lee` naa' mi` eègo` fé' naa' gá` uii` quiá' jaléng' dseà` rú' naa' i` cajmeáang` Fidiéé` lí' laco' líiín' `ña'r'. ¹⁰ Jo lajob líí, dseà` rú' naa', dsuco' fí` mo'oo` jaang` dseà` cuòom` lí` uó` júu` e jmi féiñ' Fidiéé` jogui júu` e fé'r` gá` quiá' dseà` rúin' cajo, jo dseáng'` ja` dseeng` e nijmé` dseà` lajo. ¹¹ Jo lajob líí, dseà` rú' naa', co' ja` cuòong` e fa' cōo` ojmf` nicuó` tú` 'lé' jmií, ca'ling' e ráang` jogui ca'ling' e ñii`. ¹² Jogui lajobi cajo fa' cōo` 'ma` güiñí', ja` cuòong` fa' nicuó` ofií` e jié', co' jii` güiñí' ba' e cuòong` ni'f` yú'; o'gui huíing` güiing` jó' cuòong` fa' e nicuó` güiñí' yú', o'gui cōo` ojmf` ñii` cuòong` cuó` jmií` e ráang`, co' jii` lajob líí, éjá` já'?

Jial líing` dseà` mi` dseáng'` já'` e cangíiín` e tíiín` ngáiín`

¹³ Jo lajob fíi` guíi` 'nú', dseà` rú' naa', song seeng` i` líing` lajeé`

la'ó' 'nú' i` dseáng'` lajang'` e ngíiín` e tíiín` jogui e ngáiín', joba' 'né` e nijmilib` i` dseà` do e líiín` lajo la'eáang` e éer` røð` jee` la'ó' dseà` rúin' jogui la'eáang` e jmicōo'r` dseà` rúin' cajo, dsu' ja` tíing` e jmicòong'` yaaiñ`. ¹⁴ Jogui song ii` 'nú' i' óo' na' e tíing` na' ngáng' na' dsu' contòom` guíng' na' dseà` rúng' na' jogui jmoò' na' jløng' na' cóo'r`, jogui lajii' e jmoò' na' do lí' jii' e líing' na' yaam` ba', joba' gab` líí` song jmoò' na' lajo, co' júu` ta` júu` e líing' na' jaang` dseà` i` cangíing` e tíing` ngáng' song jmoò' na' lajo. ¹⁵ Dsu' mi` líing' na' lajo, o' e cacuó' Fidiéé` e tíing` na' do, co' laji` e na` jii' e jmóo` dseà` dsee` dseà` qui' fí` jmiǵüi` lab e núu'r` lajii' ta` quiá' 'ñaia' fii` i` 'lim'. ¹⁶ Co' mi` seeng` dseà` i` dsihuíing` quiá'` rúng'` osi` jmi jløng'` yaaiñ` é, jo job lí` uíing` e có' gá` quiá' i` dseà` la'f, jogui uíing` quiá' e jmóo' guir jalé' e 'li' e jié' gui e sea` fí` jmiǵüi` la cajo. ¹⁷ Dsu' jaléng'` gui dseà` i` dseáng'` lajang'` cangíing` quiá'` Fidiéé` e tíiín` ngáiín', joba' jmang'` e guiá' ba' jmóor`, jogui juguiá' júu` røð` seeiñ`, jogui guiáb` dsíir', jogui fém' bi dsíir` cóo' jaléng'` dseà` rúin', jogui eáam` bi fí' líiín` jaléng'` dseà` rúin' jogui jmicōo'` bre jaléng'` í' cajo, jogui jmang'` júu` jáb' fé'r'. ¹⁸ Co' jaléng'` dseà` i` cuó' b' yaang` e seeiñ` røð` cóo' jaléng'` dseà` rúin' jogui e jmicōo'` biguir jaléng'` dseà` rúin' cajo e laco' lajiim` bre niliseeíñ` lajo, joba' i` dseà` í' nilí'r` e líiín` dseà` guíung` fí` quini` Fidiéé`.

Güiliseem` ba' cóo'` Fidiéé`

4

Jo lalab fíi` guíi` 'nú', dseà` rú' naa' dseà` quiá'` Dsea`

Jmáang̃: ¿Jiẽ fí lí naang̃ uing̃ jalé̃ e jmiquíng̃ ʔó'na' jogui jalé̃ mǎí' e jmoó'na' la'ó' rúng̃'na'?

Jo jmoó'na' lajo cɔ' contø̃m̃ suung̃'na' jalé̃ e lí ʔó'na' fí jmigüí̃ la, jogui jmang̃' e gab̃ í ʔó'na', ¿já' já'? 2 Cɔ' mĩ eè'go iing̃'na' e sea fí jmigüí̃, jo mĩ lí'na' e jã cuø̃ng̃ nilí'na' e jo, joba' jiẽ jã nijngám̃'ba' dseã rúng̃'na' jóng̃. Jogui eáam̃ dsihuíng̃'na' mĩ eè'go seã quiá' dseã rúng̃'na', jo dsucɔ' jã lí'gui' e jo, joba' eáam̃ jmoó'na' 'niĩ cɔ'ɔ'r̃, ¿já' já'? Dsu' jã mí calí'na' jalé̃ e iing̃'na' do cɔ' jã mí camí'na' Fidié̃ e nicuø'r̃ 'nú' e jo. 3 Jo dsu' mĩ mǎí'na're eè'go iing̃'na', jã nicuø'r̃ 'nú' jalé̃ e mǎí'na're do, dsucɔ' mǎí'na'r̃ lajiĩ' e jã dseeng̃ e lícɔ' jmi'iaang̃ ʔó'na' yaam̃'ba'.

4 iDseã 'líng' 'nú', cɔ' líng'na' dseã i tú' í'! ¿Já' ní' 'nú' e mĩ iing̃'na' e jmi'iaang̃ ʔó'na' cɔ'ɔ' lajiĩ' e seã fí jmigüí̃ la, joba' 'ní' máam̃'ba' Fidié̃ jóng̃ dseã guiiñ̃ níif? Cɔfa' lí' doñí̃ ĩ dseã i iing̃ e nijmi'iaang̃ dsíir̃ cɔ'ɔ' lajiĩ' e seã fí jmigüí̃ la, joba' ni'uíñ̃ jóng̃ jaang̃ dseã i 'ní' níng̃ Fidié̃. 5 Cɔ' e líng̃ uim̃'ba' e tó' fí nĩ jì quiá' Fidié̃ lala: “Fidié̃ dseáng̃ e lajam̃'ba' eáang̃ 'neáaiñ̃ jneaa'aa', cɔ' í bing̃ cacuø' lajaang̃ lajaang̃ jneaa'aa' e jmigüí̃ cɔ'ɔ' e seẽ naa'.” 6 Dsu' eáam̃ jmicɔ' dseã do jneaa'aa', cɔ' dsíng̃ guiúñ̃ cɔ'ɔ' jneaa'aa', dseã jã catí'naa' lajo, cɔ' lalab fé' fí nĩ jì quiá'r̃: “Dseáng̃ teáb̃ seẽ Fidié̃ quiá' jaléng̃ dseã i jmicø̃ng̃ yaang̃, dsu' eáam̃ guiá' jmicɔ' jaléng̃ dseã i jã jmó' lajo cɔ' ní'bre e 'né e nijmicɔ' Fidié̃ quiá'r̃.”

7 Joba' jáang̃' yaang̃'na' fí jaguó' Fidié̃, jogui jã cuø'na' fí yaang̃'na' e jmijíng̃'na' i fiĩ i 'líng', jo lajoba' i do nidsihuíñ̃ fí lí seeng̃'na'. 8 Güiquiéeng̃'gui' fí quinĩ Fidié̃, jo dseã do nijaquíeng̃'gui' fí quinĩ'na' cajo. Jogui jaléng̃' 'nú', dseã dseẽ dseã qui', tú'na' jalé̃ e jã dseeng̃ e jmoó'na', jo jmisíng̃'na' jalé̃ e gã e í ʔó'na', cɔ' jaléng̃' 'nú' líng̃'na' dseã i tú' neáang̃ dsíi', dsucɔ' iing̃'na' teáang̃'na' fí guiá' cɔ'ɔ' Dseã Jmáang̃ jogui iim̃'bi' cajo e jmée'na' jalé̃ e gã e seã fí jmigüí̃ la. 9 Quí'na', jogui jmée'na' e líng̃'na' fí' quiá' jalé̃ dseẽ e nica'ee'na' do. Jogui jã dseeng̃ fíng̃ song̃ níng̃'na' uí' quiá' jalé̃ e dseẽ jo, cɔ' 'né e qui'ba' uí' quiá' e dseẽ quí'na' do. Jogui fíng̃ song̃ e íaang̃ ʔó'na' cɔ'ɔ' jalé̃ dseẽ quí'na' e nicarø̃ng̃'na' do, joba' 'né e nilíng̃'na' e fí'fb̃ jóng̃ uí' quiá' jalé̃ e jo. 10 Jogui mĩ lí'na' e rø̃ng̃'na' dseẽ, joba' 'né e jã nijmiráang̃ yaang̃'na' fí quinĩ Fidié̃, jo lajoba' dseã do nijmicɔ' r̃ 'nú' e seeng̃'na' cø̃ng̃ cɔ'ɔ' r̃.

Jã cuø'na' dseẽ jaléng̃' dseã rúng̃'na'

11 Dseã rú'naa' dseã quiá' Dseã Jmáang̃, jã fó'na' gã uiĩ quiá' jaléng̃ dseã rúng̃'na'. Dsucɔ' i dseã i fé' gã uiĩ quiá' dseã rúng̃' ʔsi cuø'reiñ̃ dseẽ é, joba' lí' laco' e fé'r̃ gã uiĩ quiá' jú' quiá' Fidié̃ jóng̃, jo ʔ'guĩ jmitir̃ lajiĩ' e jú' quiá' dseã do. Cɔ' jaléng̃ i dseã i jã jmi'gó' jalé̃ e jú' do, joba' lí' laco' gab̃ nífé'r̃ uiĩ quiá' e jú'

jo e lafa' e nijmér̄ núu'r̄ e jo laco' si'í'. ¹²Jo jaam̄ dseà féng' seenḡ, jo íb̄ i cacuø' e júū do. Jogui í' b̄i cajo i tínḡ quidsí' í' røø' quiá' dseà, jo lajii' í' b̄i cajo dseà i tínḡ láanḡ dseà jmigüí' jee' jalé' dsee' quiáin̄' osi cuø'r' dseà iihuí' laco' catínḡ é uíi' quiá' jalé' e jo. Jogui 'nú, çí' líin' e lin' e sea' fí' e nicuø' dseà rúng' dsee'?

Jà ne' naa' e' nidsijéé' dsa'ó' iéé'

¹³Jogui lana, dseà rú' naa' dseà quiá' Dseà Jmáanḡ, núu' naa' jalé' e niffí' i' nú' la, jaléng' 'nú', dseà jmicøøng' yaanḡ naa' e fól' naa' lala: "Dsa'ó' iéé' nidsé' naa' fí' fii' la osi fí' fii' do é, jo fí' job nitaanḡ naa' coø' jii' e jmó' naa' ta' lí' cuu'." ¹⁴Jo çjiali' í' óo' naa' lajo?, co' jii' ja' mí' ní' b̄i' e' nidsingfíng' naa' lí' dsa'ó' lí' iéé'. Co' 'nú' líng' naa' lafa' jní' tii', co' e joba' e jnéeng' jii' lajee' cateá' jo ni' fíim̄ jóng. ¹⁵Joba' ja' dseenḡ e fo' naa' lajo, dsu' lalaba' e catínḡ e nifo' naa': "Song cuø' Fidiéé' fí' lajo e seé' guí' fí' jmigüí' la, joba' nilí' jalé' e 'né' lí' jóng." ¹⁶Dsu' 'nú' guí' lí' riquib' í' óo' naa', joba' eáam' jmicøøng' yaanḡ naa' coø' jalé' e fól' naa' e nijmées' naa'. ¿Su ja' ní' naa' e mí' jmoò' naa' e jmicøøng' yaanḡ naa' lajo, gab' líí'? ¹⁷Jo 'né' e tóø' óo' naa' e la cajo: Song ñib' jaanḡ dseà jalé' e guí' e 'né' jmér̄, jo dsu' song ja' guí' jmitir̄ jalé' e jo, joba' jmirøm̄ dsee' 'ñaia'r' jóng.

Júu' íí' 'goo' quiá' jaléng' dseà sea' cuu'

5 Jogui fii' guí' 'nú', jaléng' dseà rú' naa' dseà i' sea' cuu', núu' naa' jalé' e júu' e niffí' i' nú' la:

Quí' naa' jogui oo' naa' quiá' e fíí' e nilíng' naa' coø' jalé' iihuí' e nabi nidsingfíng' naa' mí' niquidsí' Fidiéé' í' quiá' dsee' quií' naa'. ²Co' ni' fíim̄ lajalé' e 'mo' e nisi' mó' naa', jo jo e ta' nilí' ínḡ jii' coø' quií' naa'; jogui jalé' sii' quií' naa' cajo ni' fíim̄ e nidó' jaléng' jó' fí'. ³Jogui jalé' cutede' coø' cunée' e si' má' naa' nisó' 'lee', jo jo e e' ta' nilí' ínḡ guí' quií' naa' jóng. Jo e 'lee' e só' dob nicuø' lí' quiá' jalé' e ja' dseenḡ e jmoò' naa' e cajmí' óo' naa' yaanḡ naa' jalé' e sea' fí' jmigüí' la, jo e jo líí' lafa' nicáng' 'nú' coø' jii', co' eáam' nicajmí' óo' naa' jalé' e jo lajee' lana e nijaquiéeng' e tí' lí' ni' ínḡ jmigüí'.

⁴Núu' naa' e jaléng' i' dseà i' cajmées' ta' quií' naa' i' ja' caquí' naa' e 'lééin' laco' catínḡ, joba' lana máib' nitáng' i' dseà do 'nú', dsu' nicanuub' 'ñaia' Fidiéé' dseà 'gøng' i' guínḡ fí' niffí' jalé' e júu' e nicafé' teá' jaléng' i' dseà í'. ⁵Jogui lajee' e taanḡ 'nú' fí' jmigüí' la, nicaliséng' naa' lí' laco' jaanḡ dseà 'goo' eáang' e jmoò' naa' la tíí' e ja' óo' naa', jogui e sea' jalé' e iinḡ naa' e laco' jmi' íanḡ óo' naa' laco' jaanḡ jó' i' jmi' úng' dseà quiá' e nijngáin̄'. iJo dsu' lana nicaat' í' quií' naa'! ⁶Jo 'nú', eáam' nicaçuøø' naa' dsee' jaléng' dseà i' ja' dsee' røønḡ cartí' nicajngam' baa're, jo ja' e e' teá' casée' i' dseà do coø' 'nú' jii' capí'.

'Né' jmó' oo' féng' dsi' baa'

⁷Jo fii' guí' 'nú', dseà rú' naa' dseà quiá' Dseà Jmáanḡ, jmeé' naa' féng' óo' naa' coø' jalé' e

dsingíng-na' cartí' mĩ nigüéeng-tu Fíi'naa' fí' jmiǵüi' la. Jo 'né- jmée'na' e jo laco' jaang' dseà i jmoó' ta' jenuu' e sijeem'bre laǵi' e niró' fí' guóo' uó- quiá'r- car' mĩ nití' jii' jmíí', co' lajoguiba' e nicuáng' laco' sí'í' lajalé' e cajní'r do. ⁸Jo e laco' e féng' dsí' i dseà í', lajobi 'né' e féng' óo' 'nú' cajo, jogui cuóó'gui' fí' yaang'na' e teáang'gui' teá' fí' guiú' cóo' Dseà Jmáang-, co' lajee' lajmináb- nigüéeng-tu Fíi'naa' fí' jmiǵüi' la calé' catú'.

⁹Jo lajob fíi'gui' 'nú', dseà rú'naa': Ja' jmoó'na' e jmiquíng' óo'na' la'ó' rúng'na', co' lajoba' ja' nicuó' Fidiée' 'nú' dsee'; co' nijaquíem' e nigüéeng-tu Fidiée' fí' jmiǵüi' la calé' catú' e niqidsir' í' quiá' dseà jmiǵüi'.

¹⁰Jo lajob líí', dseà rú'naa', jmiǵüéng' óo'na' jalé' e cajmée' jaléng' i dseà i café' cuaiñ' quiá' Fidiée' malii'gui eáang' mĩ cangár' jalé' iihuíí', co' cajméeb' dseà do e féng' dsí'r cóo' jalé' e jo. ¹¹Jo fé'naa' e juguiú' jiu quiá' jaléng' i dseà i cajmée' té' cóo' jalé' e iihuíí' e ca'íñ' do. Jo nicanúub- 'nú' cajo jalé' júu' e café' dseà quiá' jaang' dseañu' i calisí' Job i caliséng' malii'gui eáang', co' ie' jo i dseà í' eáam' califéng' dsí'r cóo' jalé' iihuíí' e cangár'. Jogui ní'bi 'nú' guiú' cajo jial cajmicóo' Fíi'naa' Fidiée' e ni'uíng- guiú' quiá'r mĩ cangf jalé' e jo; co' eáam' guiúng- Fidiée' cóo' jaléng' dseà jogui eáam' fi' líiñ' cajo. ¹²Jo lí' lajee' lajalé' e niing'gui, dseà rú'naa', e lab e jo; mĩ cuó'na' júu' qui'na', ja' éeng'na' fii' quiá' lí'

doñi' ee': ja' éeng'na' fii' ñiff' o'gui éeng'na' fii' guóo' uó- o'gui quiá' lí' doñi' jíé' é. Dsu' mĩ cuó'na' júu' qui'na' e jmée'na' lí' doñi' ee', jo dseáng' 'né' e jmití'ba' jóng; jogui mĩ cuó'na' júu' qui'na' e ja' jmée'na' lí' doñi' ee', joba' dseáng' 'né' e ja' jmée'ba' jóng. Jo fíng song jmití'na' jalé' e júu' qui'na' do, joba' ja' nicuó' Fidiée' 'nú' dsee' quiá' jalé' e jo.

Dsíng' íing' ta' e féng' dseà Fidiée'

¹³Jo fíi'gui' 'nú', dseà rú'naa' dseà quiá' Dseà Jmáang-, fíng song ii' la'ó' 'nú' móo'na' iihuíí', joba' i dseà í' 'né' mĩ'r Fidiée' e nijmicóo' dseà do quiá' jalé' e jo. Jogui fíng song ii' la'ó' 'nú' e iáang' óo'na', joba' 'né' e ó'bre quiá' e jmi'féiñ' Fidiée'. ¹⁴Jogui song jaang' dseà la'ó' 'nú' ráaiñ' dsée'r, joba' 'né' e nitó'r jaléng' dseà i quie' nifi' quiá' dseà quiá' Dseà Jmáang- e laco' i dseà í' nimf'r Fidiée' uii' quiá' i dseà dsée' do e ni'leáam'biñ' do, jo la'eáang' cóo' júu' quiá' Dseà Jmáang- nisúur- capi' noo' fí' guiaquí' i dseà dsée' do, jo lajoba' ni'leáaiñ' do. ¹⁵Jogui mĩ já' líiñ' e Fidiée' nií'r laǵi' e mĩ' reiñ' do, joba' ni'leáam' i dseà dsée' do jóng, jo la'eáang' cóo' Fíi'baa' e nitíng'tur calé' catú'. Jogui fíng song nica'éé' i dseà i lamí' dsée' do dsee-, joba' ni'fím- Fíi'naa' dsee- quiá'r jóng. ¹⁶Jo fíi'gui' 'nú', dseà rú'naa', jmée'na' júu' la'ó' rúng'na' quiá' jalé' dsee- e nicaróong'na', jo mii'na' Fidiée' uii' quiá' rúng'na' cajo e laco' nitíng'na'. Co' mĩ jaang' dseà sing' teá' fí' guiú' cóo' Dseà

Jmáang̃ jo féng' i dseà do Fidiéé̃ dseáng' e caniing̃ i' dsíir', joba' eáam̃ íing̃ tã e 'gøng' e júũ jo fí' quinĩ Fíi'naa'.

¹⁷Jo jmiiguiéng' óó'na' quiá' e calí iẽ maliĩ do iẽ cateáang̃ jaang̃ dseà i café' cuaiñ̃ quiá' Fidiéé̃ fí' jmiigüí' la i calisí' Líi'. Jo i dseañu' í líiñ̃ jaang̃ dseà jmiigüí' laco' líing̃ jneãaa', dsu' mĩ camí' dseà do Fidiéé̃ la'eáang̃ cóo' Jmiguí' quiá' dseà do e niquiung' e tuũ jmíí', jo lajob calí. Joba' lajeẽ 'ní' jiĩ dsí' ca'ná' jã catuũ jmíí' fí' e guóo' uó̃ jo. ¹⁸Jo mĩ cangf̃ jo, i Líi' do camí'tur Fidiéé̃ e nitétũ jmíí', joba' lajob calí, catuub̃tũ jmíí', jogui canaam̃tũ cuó' jalé' e jni' dseà fí' guóo' uó̃.

¹⁹Jo fíi'guí' 'nú', dseà rú'naa' dseà quiá' Dseà Jmáang̃, e song jaang̃ la'ó' 'nú' i casíng' fí' guiá' cóo' Dseà Jmáang̃, jo dsu' lajeẽ jo ninaang̃ i dseà do e nilitúng̃ dsíir' cóo' júu' quiá' dseà do, jo song jaang̃gui dseà la'ó' 'nú' cajméer' e calinúu' tũ i dseà do júu' quiá' Dseà Jmáang̃, ²⁰joba' güiñí'na' guiá', dseà rú'naa', e doñí' iĩ dseà i niquí' nijíng' jaang̃gui dseà rúng' i ngóo' fí' ga, joba' i dseà í' jmóor' e ni'ím̃ jalé' dseẽ e nirøng̃ i dseà do, jogui nileám̃ i dseà do e jã nidséiñ' fí' lí' 'lí' mĩ nitf̃ oor̃ quiá'r' e nidséiñ' fí' jmiigüí' cóo'.

Jo lajob nilí'.

Jo jíi' lanab fé' jì' quiá' Tiáã.